



AL-QUDS FOUNDATION MALAYSIA

# AL-QUDS *dan* AL-AQSA

## Di Dalam Cengkaman Yahudisasi

Dr. Sharif Amin Abushammala





# **AL-QUDS**

*dan* **AL-AQSA**

Di Dalam Cengkaman Yahudisasi

**Dr. Sharif Amin Abushammala**

Pengerusi, Yayasan Al Quds Malaysia



**YAYASAN AL-QUDS MALAYSIA**  
**AL-QUDS FOUNDATION MALAYSIA**

---

2017

**Published by  
Al-Quds Foundation Malaysia (979024-W)  
2- 35, PV 128, Jalan Genting Kelang,  
Setapak, 53100, Kuala Lumpur  
MALAYSIA**

**All Rights Reserved  
Copyright © 2017 Al-Quds Foundation Malaysia  
[www.alqudsmalaysia.org](http://www.alqudsmalaysia.org)**

# Kandungan

- 4 Pendahuluan
- 6 Al-Quds: Kota dan Isu
- 11 Masjid Al-Aqsa
- 14 Apakah yang dimaksudkan dengan Yahudinisasi Kota Al-Quds?
- 15 Yahudinisasi Penduduk
- 16 Yahudinisasi Tempat
- 19 Yahudinisasi Pendidikan
- 20 Pengisytiharan Al-Quds sebagai Ibu Negara bersama oleh Israel
- 21 Penukaran Nama Tempat, Jalan dan Bangunan
- 22 Penukaran Nama Mercu Tanda Bersejarah
- 24 Rampasan Tanah dan Perluasan Penempatan Haram
- 26 Yahudinisasi Masjid Al-Aqsa
- 26 Percubaan membakar dan meletupkan Al-Aqsa
- 26 Menguasai beberapa bahagian dari Al-Aqsa
- 27 Galian di Bawah Al-Aqsa
- 30 Larangan melakukan pembaikan dan pemulihan di dalam Al-Aqsa
- 31 Pencerobohan demi pencerobohan
- 32 Pengepungan Al-Aqsa
- 33 Memerangi kewujudan orang Islam di Al-Aqsa dan melarang majlis ilmu, Ribat dan Syaddu Al-Rihal ke Al-Aqsa
- 34 Menghalang orang Islam dari memasuki Al-Aqsa bagi mendirikan solat
- 36 Pembahagian masa dan tempat ke atas Al-Aqsa
- 37 Bagaimana Israel memerangi murabithun dan murabithat?
- 38 Pengharaman Azan di Al-Aqsa dan Masjid Al-Quds
- 40 Peranan Yahudi Seluruh Dunia dalam Meyahudinisasikan Bandar Al-Quds
- 42 Peranan Orang Islam bagi menyekat Yahudinisasi

# Pendahuluan

Sepanjang tahun ini (2017), Masjid Al-Aqsa dan bahagian timur Bandar Al-Quds telah berada di bawah penaklukan Zionis genap lima dekad, manakala bahagian barat telah ditakluki di bawah penjajahan sejak tahun 1948 M, detik di mana rejim Zionis menjajah bumi Palestin dan mengusir rakyat Palestin ke luar dari negara mereka sendiri. Semenjak dari hari itu, tiada hari berlalu di Palestin dan Masjid Al-Aqsa melainkan keperitan demi keperitan. Selepas penaklukan Al-Quds pada tahun 1967, mereka (Zionis) telah mengambil satu pendekatan sistematik sejajar dengan rancangan kejam dan ganas yang bertujuan untuk mengubah hak penduduk Palestin dan orang-orang Islam ke atas Kota Palestin. Mereka melakukan "pengyahudian Al -Quds" dan langkah ini dilakukan ke atas manusia, tempat-tempat suci, segala apa yang ada di atas permukaan bumi; di atas mahupun di bawahnya, sistem pendidikan, budaya/cara hidup, rumah-rumah, pokok-pokok, dan sehingga tanah perkuburan, jalan-jalan atau nama-nama jalan juga tidak dapat diselamatkan daripada usaha pengyahudian ini.

Sebagai salah satu daripada usaha Yayasan Al-Quds Malaysia bagi memperingati ulang tahun kelima puluh penaklukan Masjid Al-Aqsa, Yayasan Al-Quds Malaysia menawarkan buku kecil ini, yang diharapkan memberi pencerahan

penting tentang bentuk pelaksanaan-pelaksanaan dan langkah-langkah pengyahudian yang dihadapi oleh Masjid Al-Aqsa dan kota Palestin. Ia ditulis secara tepat, padat, ringkas dan melalui grafik sehingga mampu membantu pembaca memahami dan cakna akan isu ini.

Yayasan Al-Quds Malaysia berharap agar buku kecil ini dapat menyumbang dalam menyuburkan pengetahuan kita tentang isu umat Islam yang utama iaitu, "isu Palestin dan Al-Aqsa" demi mencapai dua objektif:


Pertama: untuk mengukuhkan pegangan kita sebagai umat Islam dan kebebasan hak-hak kita yang tidak terpisah. Maka tanah Palestin ini "Tanah Waqaf Umat Islam" tidak boleh diketepikan atau dipisahkan daripada pegangan kita.

Kedua: untuk memberi motivasi kepada kita untuk melaksanakan peranan dan menggandakan usaha kita secara praktikal, intelektual, media dan kewangan untuk memulihkan tanah milik umat Islam "Palestine" dan kita perlu mempertahankannya.


*Sama Sama kita memeliharanya ...  
Sama sama kita mengembalikannya*

# Al-Quds: Kota dan Isu

Kota Palestin Al-Quds (Baitul Maqdis) terletak di tengah-tengah negara Palestin, merupakan bandar terpenting di sana, dan ibu kotanya adalah salah satu daripada bandar-bandar bersejarah yang tertua, dan salah satu bandar yang paling suci bagi pemilik agama-agama samawi, antaranya agama Yahudi, Kristian dan agama Islam. Dikaitkan kisahnya dengan para nabi, dan tanahnya dipenuhi tempat-tempat suci seperti Gereja Kebangkitan dan Masjid Al-Aqsa yang mulia, menjadi satu warisan ketamadunan dan kebudayaan dunia, termasuk dalam senarai "Tapak Warisan Dunia" dan "Tapak Warisan Dunia yang Terancam". Di tempat ini juga terjadinya konflik perbalahan antara pemilik tanah iaitu rakyat Palestin dan rejim penjajah Zionis.



Arab Yebus telah mengasaskan Palestin 4000 tahun sebelum kelahiran Nabi Isa, diperintah oleh pemerintahan Byzantine sehingga ia dibebaskan oleh Muslim Arab pada tahun (16 Hijrah / 636 Masihi) semasa pemerintahan Khalifah Umar Ibn Al-Khattab. Beliau mengembalikan kepada penduduknya keamanan yang dijamin melalui ‘Perjanjian Umar’ yang menjadi satu penghormatan selain daripada lawatannya ke Kota ini.



Al-Quds

Ia adalah satu-satunya kawasan yang didatangi oleh Khalifah sendiri untuk membukanya. Beliau melakukan pembinaan semula Masjid Al-Aqsa di Sana, dan menyusun keadaan persekitarannya, membaik pulih kestabilan masyarakat, pembangunan bandar dan menghidupkan semula sistem pendidikan secara aktif. Perkara ini berterusan sehingga ditawan oleh Frank Kristian pada tahun (492 Hijri / 1099 Masihi), dalam perperangan mereka yang panjang dengan negara Islam. Kembalilah Palestin dan Al-Aqsa melalui tahun-tahun yang sukar, di mana berlakunya pembunuhan dan pengusiran penduduk Palestin, dan cubaan menukar Al-Aqsa menjadi ibu pejabat Gereja dan kubu pahlawan (Kubu Pahlawan berkuda). Perkara ini kekal sehingga kebangkitan Islam yang diketuai oleh Salahuddin Al-Ayyubi pada tahun (583 Hijri / 1187 Masihi), maka ia kembali semula kepada umat Islam dan ia kekal dimiliki umat Islam lebih daripada tujuh abad pemerintahan oleh negara-negara Islam secara berselang-seli oleh para khalifah dan raja-raja yang bersaing dalam menjaga Al-Quds khususnya tempat-tempat agama di dalamnya.

Pada tahun 1917, Britain telah menawan Palestin dan Al-Quds (Baitul Maqdis), sejak dari hari itu, Britain membantu kemasukan pendatang Yahudi dari Eropah dan lain-lain melalui penubuhan "Negara Bangsa" untuk orang-orang Yahudi di Palestin melalui satu perjanjian yang dibuat oleh Menteri Luar British iaitu Balfour (1917) yang dikenali sebagai "perjanjian daripada pihak yang tidak memiliki kepada pihak yang tidak mempunyai hak." Rakyat Palestin menolak perjanjian itu, dan Kota Palestin atau Al-Quds telah menjadi tonggak dalam memainkan

peranan yang penting dalam menggerakkan tenaga dan semangat umat Islam dalam menghadapi permasalahan ini dan memimpin revolusi menentang penjajahan British dan projek Zionis ini. Telah berlakunya beberapa revolusi seperti Revolusi Buraq (1924), Revolusi Oktober (1933), Revolusi Besar-besaran Penduduk Palestin (1936-1939) dan lain-lain lagi.

Pada tahun 1948, Rejim Zionis melancarkan perang pembersihan etnik terhadap rakyat Palestin, mereka menawan sebahagian besar wilayah Palestin selepas satu siri pembunuhan ngeri secara beramai-ramai. Manakala di Al-Quds, mereka menawan sebahagian kawasan Barat daripada kota ini, yang mencapai keluasan sebanyak 84%, dan mempunyai kira-kira 60 ribu penduduk bandar, dan meninggalkan bahagian Timur bandar pada orang-orang Arab dan orang- orang Palestin di Jordan, termasuk kawasan Kota Lama dan Masjid Al-Aqsa.

Pada tahun 1967, "Israel" telah berjaya dengan misi penaklukan Kota suci Palestin (Al-Quds) dengan penaklukan bahagian Timur kota ini, dinamakannya dengan Israel dan menganggap ia sebagai satu bahagian yang tidak boleh dipisahkan daripada mereka. Masyarakat antarabangsa secara majoritinya menentang dan tidak mengiktiraf penaklukan ini. Mereka menghalang pemindahan kedutaan mereka ke kawasan Al-Quds ini tetapi tidak mengambil tindakan sewajarnya yang lebih kuat untuk menolak penjajahan Israel. Tindakan mereka hanya sekadar mengeluarkan kenyataan dan kutukan dalam keadaan yang baik.

Sejak dari itu, isu Palestin telah berkembang pesat sejak dilancarkan kempen menentang penaklukan terhadapnya. Mereka (Israel) mengabaikan undang-undang antarabangsa, resolusi-resolusi PBB, tidak mempedulikan bantahan beratus-ratus juta umat Islam dan masyarakat dunia yang menolak pelanggaran terhadap kesucian kota, tempat suci umat Islam dan pengikut Kristian. Al-Quds sentiasa menjadi percikan yang menyalaikan kebangkitan Palestin menentang penjajahan, seperti Gerakan Terowong (1996), Intifada (Kebangkitan) Al-Aqsa (2000), dan yang terbaru adalah Intifada yang Ketiga "Intifada Al-Quds" (tahun 2015 sehingga hari ini).

*Kesimpulannya, Sesungguhnya Al-Quds bukanlah sekeping tanah di atasnya terbina binaan dan bangunan, tetapi ia adalah asas terbinanya semangat perjuangan dan akidah, pada masa lalu dan masa hadapan.*

## Masjid Al-Aqsa

Masjid Al-Aqsa dikira sebagai tempat ketiga paling suci dalam Islam seteah Masjid Al-Haram dan Masjid Al-Nabawi, ia telah menjadi sebab kenapa kota Al-Quds menjadi sangat penting. Ia juga merupakan tempat Rasulullah salallahu alaihi wasallam di israkkan dari Masjid Al-Haram, darinya pula Rasul di mikrajkan ke langit. Padanya Rasulullah mengimamkan seluruh nabi, Ini dirakam di dalam Al-Quran Al-Karim dengan firman Allah:

وَسُبْرَكَانَ الْمَدِينَةِ أَسْرَىٰهُ بَعْدَهُ لَيْلًا مِّنْ أَطْسُونَةِ الْمَرَاجِ الْمَرْجِ  
أَطْسُونَةِ الْأَقْصَى الْمَدِينَةِ الْمَرْجِ كَوْنَهُ لَيْلَةُ الْمَرْجِ لَيْلَةُ الْمَرْجِ

Maksudnya :

“Maha suci Allah yang telah memperjalankan dengan hambaNya pada waktu malam dari Masjid Al-Haram ke Masjid Al-Aqsa yang telah kami berkat sekelilingnya untuk kami perlihatkan baginya dari tanda kebesaran Kami sesungguhnya Dia Maha Mendengar lagi Mah Melihat.”

Al-Israk :1





Sunnah Al-Nabawiyah telah menunjukkan kepada kita dalam perkataan dan juga perbuatan tentang kedudukan Masjid Al-Aqsa seperti sabda badinda :

“janganlah kamu bersusah payah menempuh jalan (kamu anggap ia sebagai perjalanan suci) melainkan kepada tiga Masjid ; Masjid Al-Haram, Masjidku ini(Masjid Al-Nabawi) dan Masjid Al-Aqsa.”

Riwayat Bukhari dan Muslim

Seperti dalam hadis dari Abi Zar r.a , “Dia telah berkata: aku berkata wahai rasulullah: masjid manakah yang pertama dibina di muka bumi? Baginda bersabda: Masjid al-Haram. Dia berkata: aku bertanya lagi: kemudian masjid mana? Baginda bersabda: Masjid al-Aqsa. Aku bertanya lagi: berapa tempoh antara keduanya? Baginda berkata: empat puluh tahun.”

Riwayat al-Bukhari

Begitu juga sabda Nabi bahwasanya pahala solat di Masjid Al-Aqsa dilipatgandakan ke 500 kali ganda. Selain orang Islam telah menjadikan Masjid Al-Aqsa sebagai kiblat pertama mereka selama



16 bulan sebelum bertukar kea rah Ka' bah Al-Musyrifah di Mekah Al-Mukarramah.

Mesti diberi perhatian, bahawa Masjid Al-Aqsa adalah semua kawasan yang diliputi tembok (kawasan di atas tembok) yang merangkumi semua mercu tanda Masjid seperti: Musolla Al-Qibali, Musolla Al-Marwani, semua kubah kubah seperti kubah Al-sakhrah dan kubah Al-silsilah, pintu pintu gerbang, wakaf wakaf dan pondok pondok serta lapangan lapangan yang mencecah keluasannya 144,000 meter persegi, sekitar satu perenam dari kota lama Al-Quds. Ia adalah milik mutlak dan suci orang Islam.

Sejak Masjid Al-Aqsa jatuh ke tangan zionis sejak tahun 1967, ia semakin terancam dengan usaha yahudinisasi yang akan kita huraikan nanti.

Untuk maklumat tambahan berkitar masjid Al Aqsa dan kedudukannya dalam Islam rujuk buku “Pelita untuk Al-Aqsa” terbitan YAYASAN AL-QUDS MALAYSIA.

# Apakah yang dimaksudkan dengan Yahudinisasi Kota Al-Quds?

Istilah Yahudinisasi kota Al-Quds merujuk kepada sekumpulan proses dan polisi yang diikuti oleh penjajah Zionis dan pertubuhan Yahudi terhadap Masjid Al-Aqsa dan Kota Al-Quds, bagi merubah persekitaran keagamaan dan kebudayaan serta penduduk dari Islam Arab kepada Bandar Yahudi ala Barat. Bagi membolehkan penukaran ini kepada Bandar Yahudi sepenuhnya. Projek ini berpusat dalam tiga peringkat: Manusia, Tanah apa yang ada di atasnya dan di dalamnya, serta tempat-tempat suci. Melalui sekumpulan besar dan jijik dari polisi dan proses yang akan kita kupas secara terperinci dalam buku ini.



Kata Kata Theodor Herzl (pengasas Zionis antarabangsa):

“seandainya satu hari kita mendapat Al-Quds, dan aku masih hidup serta mampu melakukan sesuatu, maka aku kan hapuskan apa sahaja yang tidak menjadi kesucian bagi orang Yahudi, nescaya aku akan bakar kesan sejarah yang telah berusia beberapa kurun.”



## **Yahudinisasi Penduduk**

Pada tahun 1948 Israel membunuh dan mengusir 60 ribu orang dan diikuti ribuan lagi pada tahun 1967 manakala yang sempat lari menyelamatkan diri ke bahagian Timur dikira sebagai pendatang asing (imigran) bukan warganegara, dan zionis berurus dengan mereka mengikut undang undang penduduk Israel yang memberi kuasa penuh kepada Kementerian Dalam Negeri Israel merampas kad pengenalan mereka (kerakyatan).

Israel telah menarik balik kerakyatan dari 14500 orang Al-Quds pada waktu yang lepas. Mereka merangka untuk melucutkan 100 ribu kerakyatan lagi seperti yang dijanjikan oleh perdana menteri Zionis Benjamin Netanyahu. Agar menjadikan penduduk Palestin di Al-Quds hanya 22% sahaja supaya merubah demografinya untuk kepentingan yahudi.

Kerajaan haram Israel terus memaksa undang undang ketat ke atas Rakyat Al-Quds bagi memastikan Bandar Al-Quds kosong dari penduduk Arab Islam. Setelah mereka menganggap penduduk asal Al-Quds sebagai Imigran mereka memperkenalkan undang undang Pusat kehidupan pada tahun 1998, yang mana setiap penduduk baitul Maqdis yang memiliki rumah atau kerja di luar sempadan Al-Quds, akan dibuang kerakyatannya dan diharamkan pendidikan ke atas dia dan keluarganya serta perkhidmatan kesihatan sehingga diusir ke luar dari Al-Quds.

Sesiapa dari kalangan penduduk Al-Quds yang berbangsa Arab yang berkahwin dengan orang luar samada lelaki atau perempuan tidak akan diberikan pada pasangannya kerakyatan bahkan pada keluarga yang bakal hadir juga bagi membuatkan mereka berhijrah untuk hidup dengan keluarga mereka samada orang Palestin atau negara lain.

Kerajaan Israel memperkenalkan pelbagai cukai yang tidak masuk akal dan tinggi bagi melumpuhkan ekonomi mereka supaya mereka terpaksa meninggalkan kedai mereka ke tempat lain maka akan lenganglah Bandar Al-Quds untuk bangsa yahudi sahaja.

## **Yahudinisasi Tempat: Meruntuhkan kediaman dan mengahlang pembinaan baru**

Israel menjadikan projek Yahudinisasi ini sejak hari pertama penjajahan Kota Al-Quds pada tahun 1967M, dengan merobohkan penempatan bersejarah Muslim Maghribi dan seluruh mengusir penduduknya. Malahan ada juga yang menjadi mangsa bulldozer, di dalam kampung ini terdapat 135 buah rumah, dua Masjid dan sebuah sekolah. Di atas runtuhan kampung ini berdekatan dengan Masjid Al-Aqsa dari arah barat mereka mendirikan apa yang dinamakan hari ini “tembok meratap” nama ini juga adalah sebahagian dari usaha yahudinisasi (kerana dikatakan oleh mereka itulah tempat dinding kuil mereka jadi mereka menangis kerana

kehilangannya) ini bertujuan bagi menukar kebudayaan yang berkaitan dengan Masjid Al-Aqsa dan memasukkan unsur yahudi dalam sejarah Masjid Al-Aqsa dengan dakwaan dakwaan mereka.

Sedangkan kampung Maghribi ini telah dibina 800 tahun sebelum penjajahan Israel, iaitu selepas pembebasan Masjid Al-Aqsa dari tentera salib sebagai permukiman mujahidin yang dating dari negeri sekitar Maghribi pada ketika itu dalam menyertai kempen Sultan Salahuuddin Al-Ayyubi bagi membebaskan Masjid Al-Aqsa.

Siri keganasan ini berterusan sehingga hari ini, rumah dan bangunan terus dirobohkan. Dari statistic yang dapat dikumpul bermula 1967 hingga tahun 1999 sebanyak lebih dari 2000 buah rumah telah dirobohkan.



Manakala menurut PBB dalam statistic pengurusan hak asasi manusianya menyatakan lebih dari 14000 kes perobohan dicatatkan sejak 1988 hingga 2014. Bahkan bertambah getir lagi bila laporan berkenaan isu yang sama mencatatkan 1236 kes sejak tahun 2000 hingga 2015 menyebabkan pengusiran ribuan dari warga Palestin.

Dari sudut yang lain mereka telah menyukarkan dalam urusan mengeluarkan permit binaan bagi orang Palestin, dengan menetapkan harga di luar kemampuan atau menghampiri mustahil bagi mendapatkan permit tersebut. Bahkan tempoh kelulusannya juga memakan masa kebiasaannya selama 3 tahun. Sehingga mereka meninggalkan Al-Quds dan membina kediaman di tebing Barat ataupun membinanya tanpa permit yang kemudian akan dirobohkan dan Tuan bangunan akan menanggung kos perobohan tersebut, ataupun memaksa mereka merobohkannya sendiri.

Antara cabaran yang dihadapi oleh penduduk Al-Quds terutamanya penduduk Al-Quds Lama adalah mereka tidak dibenarkan menyelenggara kediaman mereka yang telah lama, sesiapa yang berbuat demikian akan dianggap sebagai jenayah dan dikenakan denda (walaupun secara sembunyi) sehinggalah ia runtuh sendiri dan ditinggalkan penghuninya. Ditambah lagi dengan tawaran dari NGO yahudi jutaan dolar kepada penduduk Al-Quds bagi meninggalkan rumah mereka. Tetapi mereka menolak dan enggan meninggalkan rumah mereka, walaupun mereka sangat memerlukan duit bagi menjaga kelangsungan kota Al-Quds dari ancaman Yahudinisasi.

# **Yahudinisasi Pendidikan**

Sejak dari awal lagi Israel 1967, mereka menjadikan sistem pendidikan Israel sebagai sistem pendidikan yang diikuti di Al-Quds, ia bertujuan memadam dari penduduk Al-Quds kebudayaan asal mereka digantikan dengan kebudayaan mereka. Tentera telah mengeluarkan amaran rasmi agar tidak diajar 55 buku yang berkait bahasa arab, pendidikan Islam dan falsafah bagaimanapun mereka menarik balik larangan ini dengan membuang sebahagian besar kandungan dari buku-buku tersebut sehingga ia menjadi nipis dan usaha melakukan yahudinisasi dalam pendidikan ini berterusan dalam 3 cara:

- 1- Menjadikan pelajar tidak boleh bersekolah dengan menghalang mereka dari mendapat hak pendidikan ataupun menutup jalan mereka ke sekolah dengan sekat-sekat tentera.
- 2- Menghalang guru-guru dengan menangkap mereka dan mengenakan tekanan ke atas mereka.
- 3- Mengganggu sistem pendidikan dengan campur tangan dalam bahan pengajaran dan mengarahkan ulang cetak bagi membuang darinya sebarang unsur patriotik yang berkaitan dengan Palestin atau nilai kenegaraan samada dari aspek sejarah, gambar, slogan atau pun pelajaran.

**“Sebelum”**



**“Selepas”**



**“Lagu Kebangsaan telah dikeluarkan  
daripada buku-buku sekolah”**

Apa yang diketahui mereka memenuhi pendidikan pelajar Yahudi dengan kedengkian pada Bangsa Arab, Islam dan menyeruke pada penghapusan etnik dengan pemesongan sejarah dan realiti.

# **Pengisytiharan Al-Quds sebagai Ibu Negara bersama oleh Israel**

Selepas Penjajahan Israel ke atas bahagian timur Al-Quds pada tahun 1967 dan menggabungkannya ke bahagian barat, ia diisytiharkan ibu negara bersekutu bagi Israel yang ditolak oleh PBB dan Majlis Keselamatan Dunia yang menganggap ia tidak mematuhi undang undang dan menuntut agar Israel keluar dari Al-Quds.

Israel tidak mengendahkan keputusan antarabangsa ini, bahkan membuat pernyataan pada tahun 1980 dengan melampaui mengisytiharkan Al-Quds sebagai “ibu negara abadi” bagi Israel, Majlis Keselamatan Dunia telah mengeluarkan laporannya bernombor 478 yang menyatakan pengisytiharan ini sebagai sebuah kebatilan, dan bercanggah dengan keputusan antarabangsa yang lalu, Israel terus bedegil dan tidak mengendahkan keputusan tersebut. Di bawah naungan Amerika dan negara gergasi lain pada Israel dan keperluan keputusan ini pada kekuatan dan niat yang tulus bagi memaksa Israel menarik kembali penjajahannya, ditambah dengan kelesuan negara Arab dan dunia Islam dalam memberi pengaruh pada politik antarabangsa.

# Penukaran Nama Tempat, Jalan dan Bangunan

Rejim Israel secara berterusan menukar Nama Nama Islam ke nama dalam bahasa Hebrew di papan-papan tanda sekitar Al-Quds, bagi memadam tanda kewujudan orang Arab Islam dan tamadun mereka di sana. Mereka telah menubuhkan Badan Penamaan Kerajaan yang bertugas menamakan semula jalan-jalan dan tempat-tempat serta mercu-tanda menurut kehendak zionis dari segi politik, dakwaan sejarah, menurut taurat yang telah dipinda dan mengeluarkan panduan pelancong, peta dan laporan rasmi dengan nama baru tersebut termasuk mercu-tanda yang sangat masyhur seperti pintu-pintu Al-Quds yang memiliki sejarah tersendiri dan jalan-jalan utama. Bahkan Masjid Al-Aqsa juga telah dinamakan “Temple Mount” menurut cerita Yahudi, mereka meletakkan Papan Tanda Nama itu di atas pintu Masjid.

Telah siap ditukar Nama Nama di Al-Quds kepada Nama baru sebanyak 7,000 tempat. Yahudinisasi ini merupakan jenayah ketamadunan dan kebudayaan yang dilakukan secara paksa dan tipu helah juga rompakan.



# **Penukaran Nama Mercu Tanda Bersejarah**

Regim Israel dan Badan Penempatan mereka Ingin merombak persekitaran bangunan Kota Al-Quds dengan pelagai langkah dan inisiatif, antaranya: meruntuhkan pusat kediaman Arab dan Islam seperti yang berlaku di Kampung Maghribi tahun 1967. Digantikan dengan kawasan lapang di hadapan Tembok Burak (dinding barat bagi Masjid Al-Aqsa) bagi kegunaan yahudi yang beribadah di lapangan merata.

Atau apa yang mereka lakukan di Bukit Al-Syaraf yang menempatkan beberapa Masjid, Sekolah dan surau golongan sufi serta sebuah pasar serta 700 buah rumah, rejim memaksa penduduknya berpindah dan menggantikan mereka dengan pendatang yahudi lalu menamakannya “Bukit Yahudi” banyak lagi pusat kediaman yang bersejarah telah dirampas dan ditukar dari bangunan bangunan Arab kepada menjadi bangunan ketenteraan atau kuil seperti Sekolah Al-tankiziyah (dari zaman Al-mamluk) telah menjadi kuil yahudi Surau Sekolah itu telah ditukar sebagai tempat pembuangan sampah, begitu juga dengan Kuil “khemah Ishaq” yang asalnya adalah tanah waqaf Islam dengan nama “Hammam Al-Ain”.

Contoh lain, Rejim Israel telah bekerjasama dengan pertubuhan Yahudi menubuhkan Synagog Hurva setinggi 4 tingkat di atasnya terletak sebuah kubah yang besar bagi menandingi Kubah emas di Kubah Al-Sakhrah dalam usaha menguasai pemandangan bangunan di Al-Quds. Banyak lagi contoh lain yang terkini pada tahun 2015 telah siap dibina tandas awam bagi kegunaan pelawat Yahudi dikawasan Tembok Menangis mereka di atas robohan bangunan orang Islam.



# Rampasan Tanah dan Perluasan Penempatan Haram

Rejim Israel secara terus menerus mengeluarkan perintah merampas tanah orang Palestin dan menjadikannya milik kerajaan, Rampasan ini merangkumi rumah, Masjid dan bangunan yang telah dirobohkan dan dirampas, ataupun tanah pertanian yang telah ditukar milik kepada kerajaan dengan alasan mendirikan taman taman Talmud dan projek projek penempatan.

Projek penempatan ini bertujuan bagi menenggelamkan Al-Quds dengan lautan penempatan haram, dan memadam ciri bangunan Arab Islam di samping terus menghimpit penduduk asal agar terpisah dari tanah air mereka. Termasuk dalam projek ini pembinaan dinding pemisah yang bersifat perkauman sepanjang 700 kilometer. 46 kilometer darinya mengelilingi Al-Quds seluruhnya bagi menjadikan ia terpisah dari kampung-kampung dan Bandar-bandar lain secara geografi dan petadbiran. Sehingga menjadikan mereka menjadi Bandar Bandar berasingan yang tidak layak menadapat kemudahan perbandaran dan menjurus kepada pengurangan penduduk Arab dari Al-Quds.



Bahagian perangkaan israel mendedahkan tentang penambahan saiz penempatan yahudi di Al-Quds melalui dua penggal perlantikan kerajaan sekarang binyamin netenyahu, secara tepatnya antara 2009 dan 2016, yang mana telah mencapai penambahan bilangan pendatang sebanyak 70%, ini meningkatkan nisbah tanah yang dibina penempatan baru sebanyak 60%.

Begitu juga dengan perangkaan bahawa tempat tempat bersejarah di Al-Quds dijarah secara berleluasa bagi membina penempatan lebih banyak lagi. Kini israel telah mengusir 68 keluarga Palestin sepanjang tempoh pemerintahan netenyahu, 55 keluarga telah diusir pada tahun 2015-2016, kini mereka mengancam untuk mengusir 300 lagi keluarga Palestin dari Al-Quds manakala yang lain telah diusir atau diruntuhkan rumah mereka.

Terkini, pada februari 2017, walaupun dengan bantahan masyarakat antarabangsa, knesset israel meluluskan projek penempatan yang memelihara hak penempatan haram yang dibina di atas tanah rakyat Palestin pada sempadan 1967 walaupun dokumen pemilikan oleh orang Palestin dibuktikan.



# **Yahudinisasi Masjid Al-Aqsa**

Walaupun Masjid Al-Aqsa merupakan suci dan memiliki kedudukan yang besar dalam Islam bagi orang Islam di seluruh dunia, Israel tidak mengendahkannya bahkan mereka telah melakukan yahudinisasi ke atas Masjid Al-Aqsa secara berperingkat bagi merealisasikan kewujudan yahudi secara berterusan dan secara langsung di Masjid Al-Aqsa dan lapangannya. Oleh itu mereka telah malalui beberapa peringkat secara bersambung antaranya...

## **► Percubaan membakar dan meletupkan Al-Aqsa**

Pada tahun 1969 seorang ekstremis Yahudi telah menyebabkan kebakaran di Masjid Al-Aqsa khususnya di Masjid Al-Qibali turut menyambar mimbar Solehuddin Al-Ayyubi serta dinding Masjid dan perabotnya Rejim Israel melengahkan usaha memadamnya bahkan melepaskan penjenayah ini dengan alasan pesakit jiwa, tidak dikenakan sebarang tindakan, setelah itu berulang ulang usaha mengebom Masjid Al-Aqsa, yang terakhir ialah pada 2015 oleh seorang Yahudi warganegara Amerika yang merupakan anggota pertubuhan ekstremis Yahudi, bagimanapun dapat dikesan beberapa jam sebelum dia melaksanakan operasinya.

## **► Menguasai beberapa bahagian dari Al-Aqsa**

Israel memaksa penguasaannya ke atas beberapa bahagian dari Masjid Al-Aqsa antaranya : Kubah

Al-Janbalatiyah di perkarangan Kubah Al-Sakhrah yang telah ditukar sebagai balai polis Israel dalam Masjid Al-Aqsa, begitu juga pintu barat yang dirampas kuncinya dari orang Islam pada tahun 1967 dan digunakan bagi polis dan juga pelampau pelampau Yahudi merempuh masuk ke Masjid Al-Aqsa.

## ► Galian di Bawah Al-Aqsa

Israel telah melakukan sebilangan besar galian di bawah Masjid Al-Aqsa bagi tujuan arkeologi dan juga pembinaan terowong. Bilangan galian disekeliling Masjid Al-Aqsa dan di bawahnya telah sehingga tahun 2016 : mencecah 63 galian.

Mereka mendakwa tujuan galian arkeologi itu adalah bagi mencari kesan Haikal Sulaiman yang mereka dakwa kewujudannya. Galian ini telah menjelaskan tiang-tiang Masjid Al-Aqsa dan mengakibatkan juga keretakan di dinding-dindingnya, selain meruntuhkan binaan-binaan sekelinlngnya. Galian ini juga telah melupuskan tingkat-tingkat sejarah yang ditiggalkan oleh Islam yang menjadi saksi kepada sejarah Masjid Al-Aqsa dan juga Al-Quds itu sendiri. Galian ini bercanggah dengan ajaran Taurat apatah lagi etika keilmuan bagi membuktikan ia adalah Bandar Yahudi. Sebahagian sejarawan Yahudi menolak galian ini kerana menghormati etika keilmuan – walaupun selama mana mereka menggali- mereka tidak akan menjumpai kesan sejarah Yahudi di Al-Aqsa atau di bawahnya, Mereka hanya akan menjumpai kesan dan bukti kewujudan Islam yang awal ataupun Byzantium dan tidak ada kaitan dengan kewujudan Yahudi.



tunnels- active



tunnels – completed



excavation sites - active



excavation sites - completed



Tapak penggalian paling penting di bawah Al Aqsa dan kawasan persekitarannya sehingga Ogos 2010



## ► Larangan melakukan pembaikan dan pemulihian di dalam Al-Aqsa

Larangan melakukan pembaikan dan pemulihian di dalam Masjid Al-Aqsa.

Kerana kesucian Masjid Al-Aqsa maka adalah menjadi peluang yang sangat berharga bagi memeliharanya dan memperbaiki bangunannya serta lapangannya dan perhiasannya. Mereka yang bermukim di Masjid Al-Aqsa mencuba secara sembunyi melakukan beberapa pembaikan yang sederhana di sana tetapi mereka diancam tangkapan dan dakwaan oleh Israel.

Menurut laporan rasmi bahawa bilangan projek projek pemulihian yang tergendala oleh penjajah sehingga akhir 2016 mencecah 40 projek.





## ► Pencerobohan demi pencerobohan

Pencerobohan ini berlaku secara berterusan oleh kumpulan kumpulan pelampau yahudi dan pelancong pelancong asing terhadap masji Al-Aqsa di bawah pengawasan tentera penjajah. Kumpulan Pelampau ini merayakan upacara Talmud di sana. Beberapa tahun kebalakangan ini pencerobohan ke atas Masjid Al-Aqsa telah bertambah bilangannya dan bentuknya, turut disertai orang kerajaan dan ahli Parlimen Zionis. Pencerobohan ini bertujuan membuktikan kewujudan yahudi di Masjid Al-Aqsa adalah benar dan juga Masjid Al-Aqsa bukan lagi sebagai tempat sejarah yang dilawati bersama antara orang Yahudi dan orang Islam.



## ► Pengepungan Al-Aqsa

Pembinaan kuil kuil Yahudi di sekelilingnya pagarnya, seperti kuil yang dibina di atas “sekolah Al-tankiziah” yang bersambung dengan Masjid Al-Aqsa, ataupun yang lebih rendah darinya kuil Wilson Bridge.

Pertubuhan Yahudi menggalakkan yahudi dari seluru dunia melawat kuil kuil ini bagi mengikat mereka dengan Al-Quds. Selain itu, rejim Israel mendirikan Taman Taurat sekitar Al-Aqsa menggantikan kesan sejarah Islam.

Bilangan Kuil Yahudi yang mengelilingi Al-Aqsa dan di dalam Bandar Lama yang keluasannya tidak sampai 1km persegi adalah sebanyak 102 buah kuil.

Pertubuhan Yahudi dan kerajaan Israel berlumba lumba dalam merancang untuk meruntuhkan Masjid Al-Aqsa sebagai langkah mula membina haikal Yahudi di atasnya, beberapa replika haikal yang bakal dibina di atas tapak Masjid Al-Aqsa telah disiapkan oleh mereka.

► **Memerangi kewujudan orang Islam di Al-Aqsa dan melarang majlis ilmu, Ribat dan Syaddu Al-Rihal ke Al-Aqsa**

Akhir 2015 Menteri Pertahanan Israel mengelarkan kenyataan berkenaan Murabitin di Masjid Al-Aqsa sebagai organisasi penganas, (mereka ini terdiri dari lelaki dan wanita yang bernazar untuk berada dalam Masjid Al-Aqsa mempelajari Al-Quran dan menyekat Yahudi dari menceroboh dan mencemari Masjid.) bagi mengelak dari mereka yang terdiri dari orang yang solat dalam Masjid Al-Aqsa ini menjadikan Israel campur tangan secara langsung bagi kepentingan kumpulan pelampau Yahudi yang mencemari Masjid Al-Aqsa dan menyeru kepada perobohannya untuk membina haikal yahudi di tempatnya.

Pada akhir 2015 Israel telah melancarkan perang yang terancang ke atas konvoi Syaddu Al-Rihal (ia adalah bas bas yang membawa orang yang mahu mendirikan solat dalam Palestin ke Masjid Al-Aqsa.) mereka telah menghentikannya dan merampasnya agar tidak sampai ke Masjid Al-Aqsa.

## ► Menghalang orang Islam dari memasuki Masjid Al-Aqsa bagi mendirikan solat

Selain meletakkan orang yang solat dan guru guru Al-Quran dalam senarai orang yang tidak dibenarkan memasuki Masjid Al-Aqsa dan memerangi murabitin dari memelihara Masjid, Polis Israel juga menangkap lelaki dan wanita dalam Masjid Al-Aqsa kerana melaungkan takbir ke arah kumpulan zionis yang menceroboh Masjid Al-Aqsa Al-Mubarak.

Mereka juga mengenakan had umur bagi golongan yang dibenarkan masuk ke Masjid Al-Aqsa untuk mendirikan solat di dalamnya. Kebanyakan kampung tidak dibenarkan ke atas penduduk di bawah 50 tahun dari memasuki Masjid Al-Aqsa, ini membuatkan ribuan mereka mendirikan solat diluar kawasan Masjid iaitu di atas jalan tar kerana ada sekatan yang dibuat di sekeliling Masjid Al-Aqsa.

Disamping mengeluarkan larangan pergi ke Masjid Al-Aqsa bagi semua rakyat Palestin yang menetap di Gaza, Tebing Barat dan beberapa tempat lain kecuali beberapa puluh orang tua.



## ► **Pembahagian masa dan tempat ke atas Al-Aqsa**

Ini adalah polisi paling bahaya yang menjurus ke arah yahudinisasi Masjid Al-Aqsa, iaitu dengan menetapkan masa masa tertentu bagi menghalang orang Islam berada di dalam Masjid Al-Aqsa iaitu dari jam 7:30 hingga 11:30 pagi dan jam 1:30 hingga 2:30 petang, manakala dikhkususkan waktu ini bagi orang Yahudi membaca Talmud di Masjid Al-Aqsa. Ini adalah permulaan kepada pembahagian tempat yang mana dikhkususkan beberapa tempat untuk yahudi mendirikan ritual mereka di dalam Masjid Al-Aqsa, serta menghalang Orang Islam berada di tempat tersebut manakala dikhkususkan tempat tertentu untuk orang Islam mendirikan solat dalam Masjid mereka. Ini adalah pelanggaran hak umat Islam yang terkepung dalam Masjid Al-Aqsa dan ke atas kebebasan beribadah yang berlaku terang terangan.



# **Bagaimana Israel Memerangi Murabithun dan Murabithat ?**

- Mengancam ribath dan menganggapnya satu jenayah.
- Menjauhkan mereka dari masjid al Aqsa.
- Menjauhkan mereka dari old city al Quds.
- Melarang dari bermusafir.
- Penangkapan di dalam masjid al aqsa dengan tuduhan melaungkan takbir di hadapan pelampau zionis.
- Penangkapan dan perbicaraan.
- Memanggil untuk penyiasatan secara berulang dan menyusahkan.
- Penahanan beberapa hari tanpa pertuduhan.
- Penghinaan dalam kata kata dan fizikal seperti makian, pukul, tendang dan tumbuk.
- Merampas kad pengenalan.
- Menceroboh rumah.
- Memotong khidmat kesihatan dari murabithun dan keluarga mereka.
- Ancaman penangkapan terhadap anak anak dan meletakkan mereka di rumah anak yatim.
- Mengenakan perintah berkurung dalam rumah.
- Mengenakan denda dan saman.

## **\* Murabiteen**

Sekumpulan lelaki dan wanita daripada bandar Al-Quds dan kawasan persekitarannya yang mengabdikan masa dan kehidupan mereka kepada Al-Aqsa. Mereka berada di sana pada setiap masa agar mereka dapat, secara aman, menghalang Al-Aqsa daripada pembahagian berdasarkan waktu dan ruang.

Di antara matlamat mereka juga adalah untuk menghalang penjajah radikal daripada merampas Masjid tersebut. Kerap kali, mereka terpaksa berhadapan dengan pelbagai halangan, gangguan, malahan hukuman daripada pihak berkuasa Israel yang ingin menghalang mereka daripada berada di Al-Aqsa.

# Pengharaman Azan di Al-Aqsa dan Masjid Al-Quds

Pengharaman azan di Masjid Al-Aqsa telah diusulkan oleh pihak rejim Zionis untuk menghalang umat Islam dari melaungkan azan pada waktu malam di Masjid dalam perkarangan Al-Aqsa dan bandar-bandar Palestin yang terletak di kawasan Garisan Hijau, iaitu sempadan yang memisahkan negara haram Israel dengan negara-negara jiran. Pembentangan usul kali pertama ini telah diluluskan di Parlimen Israel pada Mac 2017.



Usul ini dibentangkan di parlimen berikutan penduduk yang tinggal di sekitar kawasan tersebut merasa terganggu oleh azan yang dilaungkan oleh masyarakat Palestin. Usul tersebut mendapat sokongan penuh oleh kerajaan Israel. Ia telah mengharamkan laungan azan menggunakan penguat suara sekitar jam 11.00 malam sehingga 7.00 pagi. Denda akan dikenakan sekitar USD1300 hingga USD2600 bagi sesiapa yang mengingkari undang-undang baru ini.

Jelas bahawa undang-undang ini bertujuan menghapuskan identiti Islam di Al-Aqsa dan Al-Quds kerana azan pertama dilaungkan oleh Bilal bin Rabah r.a., muazzin nabi Muhammad SAW, di Al-Quds selepas tentera Islam berjaya menawan Al-Aqsa 1300 tahun sebelum tentera Zionis menakluknya kembali.

“

Apa yang disebut di sini hanyalah beberapa ringkasan dari kesukaran dan polisi jahat yahudinisasi Al-Quds, Masjid Al-Aqsa, penduduk, tempat, kebudayaan Islam dan jalan jalannya. Adapun apa yang berlaku adalah jauh lebih perit dan sukar serta runcing sekiranya ingin diperincikan ribuan muka surat diperlukan untuk menulisnya ,”

# **Peranan Yahudi Seluruh Dunia dalam Meyahudinisasikan Bandar Al-Quds**

Apa mesti disebut di sini, peranan yahudi seluruh dunia terutama golongan hartawan yang mendana aktiviti yahudiniasi dalam Bandar Al-Quds dan Masjid Al-Aqsa, maka di sana mereka mengumpulkan lebih dari 40 bilionaire yahudi di seluruh dunia agar menyumbang secara konsisten bagi menjadikan Al-Quds Bandar yahudi, statistik menunjukkan salah seorang dari mereka telah menyumbang sebanyak lebih 170 juta dolar sehingga kini.

Selain itu di sana ada gerakan yang aktif di negara negara Amerika dan Eropah dari pertubuhan Yahudi yang menyumbang usaha usaha yahudiniasi dalam kota Al-Quds dan menyampaikan dana untuk program perlaksanaan yahudiniasi. Dari Amerika sahaja sekitar 50 pertubuhan Amerika telah menyumbangkan lebih dari 260 juta dolar untuk pertubuhan yahudiniasi sepanjang tempoh 2011 hingga 2015.

Walaupun Israel membenarkan puluhan pertubuhan Yahudi seperti yang paling masyhur ELAD, Pertubuhan Pelajar Pelajar kerana Haikal, Pimpinan Haikal, Wanita Untuk Haikal dan lain lain lagi, namun mereka pada sudut yang lain memerangi badan badan pertubuhan Palestin, dirampas dana mereka diarahkan ditutup dan anggotanya dibicarakan.

# AIPAC



41

# **Peranan Orang Islam bagi menyekat Yahudinisasi**

Di dalam Al-Quds:

Orang Islam di dalam Al-Quds menyumbangkan usaha yang besar bagi menyekat perancangan Yahudinisasi dan mempertahankan Masjid Al-Aqsa untuk berdiri di hadapan serangan ganas walaupun diancam penangkapan dan tekanan serta dipukul dan disukarkan pencarian rezeki.

Di luar Al-Quds:

Malangnya, peranan kaum muslimin dalam bentuk kerajaan atau rakyat dan pertubuhan bukan kerajaan di seluruh dunia bagi memelihara Masjid Al-Aqsa dan kota suci Al-Quds terhad dan belum sampai ke peringkat membolehkan penduduk Al-Quds mendepani projek Yahudinisasi dan pemeliharaan Masjid Al-Aqsa, tidak dinafikan ada usaha usaha yang dihormati dan dihargai dari beberapa masyarakat Islam secara umum dan khususnya masyarakat Malaysia yang menjadi contoh dalam mendokong program ribat dan mendukung saudara mereka di Al-Quds bertahan.

Dari titik ini Yayasan Al-Quds Malaysia berharap risalah ini adalah tanda terima kasih bagi semua yang telah menyumbang dalam mendukung perjuangan Al-Quds untuk bertahan dan ia juga adalah seruan kepada anda untuk menyumbang bersama kami dalam mempertahankan Masjid Al-Aqsa dan kota Al-Quds serta membebaskannya melalui sumbangan anda demi kepentingan Al-Quds se akaun berikut:



**CIMB BANK** 8600499329



**Maybank** 564221639339

# **Yayasan Al-Quds Malaysia (QFM)**

QFM adalah sebuah pertubuhan bukan kerajaan yang ditubuhkan pada tahun 2012 dengan tujuan untuk mengekalkan dan mempertahankan kesucian Al-Aqsa dan kota suci Al-Quds daripada pencerobohan dan keganasan Zionis Israel. Dengan penubuhan organisasi ini, usaha-usaha pemeliharaan Al-Quds dapat dilaksanakan dengan lebih sistematik dan terancang. Yayasan Al-Quds Malaysia berharap agar ia dapat menjadi wadah untuk warga Malaysia bergabung tenaga dalam perjuangan mereka untuk Masjid Al-Aqsa dan Palestin secara keseluruhannya.

## **Visi**

Menjadi organisasi yang menerajui isu-isu Al-Quds.

## **Misi**

Mengetengahkan perjuangan Al-Quds dalam kalangan warga Malaysia dan menggerakkan usaha-usaha serta kapasiti untuk menyokong keteguhan perjuangan warga Al-Quds melalui kerjasama yang padu.

## **Objektif**

- Memperkenalkan dan memberikan informasi yang tepat tentang isu Al-Quds dan Masjid Al-Aqsa.
- Memperkasakan kapasiti individu dan institusi dalam menggerakkan isu Al-Quds.
- Memberikan sokongan berbentuk kewangan dan berdasarkan informasi yang tepat kepada penduduk Al-Aqsa.
- Mendedahkan kekejaman rejim Israel terhadap Al-Quds dan kesucian identiti Islam dan Kristian Al Quds

Get Your Free Copy of



## “Pemantauan terhadap Al-Aqsa”

  
**PEMANTAUAN TERHADAP AL-AQSA**  
*Ringkasan Eksekutif*  
Al-Quds Foundation Malaysia

Laporan bertulis mengenai pencabulan ke atas Masjid Al-Aqsa di antara 1/8/2015 dan 1/8/2016.



Disediakan oleh Yayasan Al-Quds Malaysia dengan kerjasama Yayasan Al-Quds Antarabangsa

## “Pelita untuk Al-Aqsa”

  
**AL-QUDS FOUNDATION MALAYSIA**  
RAMADAN 1438AH / 2017AD

**PELITA  
untuk  
AL-AQSA**



**Pengantar**  
PROF. DATO' DR. ZULKIFLI BIN HAJI MOHD YUSOFF  
Pengarah @ Akademi Pengajian Islam, Universiti Malaya



# YAYASAN AL-QUDS MALAYSIA

## AL-QUDS FOUNDATION MALAYSIA

[www.alqudsmalaysia.org](http://www.alqudsmalaysia.org)

QFMalaysia [qfmalaysia@gmail.com](mailto:qfmalaysia@gmail.com)

+603 4131 2650 +6011 28352900

2-35, PV128, Jalan Genting Kelang, Setapak, 53100 KL

**CIMB** BANK: 8600499329 **Maybank**: 564221639339

ISBN 978-967-15071-3-1

9 789671 507131